



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Conciliorvm Omnivm Generalivm Et Provincialivm Collectio Regia**

Ab anno MCLXXXI. ad annum MCCCXIV.

**Parisiis, 1644**

XVII. De raptoribus & inuasoribus bonorum ecclesiasticorum mobilium.

**urn:nbn:de:hbz:466:1-15974**

prouincia nostra ad prædictas orationes, eleemosynas, & ieunia, sicut possumus, exhortamur in Domino Iesu Christo. Nihilo minus venerabiles patres suffraganei per se alios hortentur ad prædicta pietatis opera, hortarique faciant suos subditos, & induci.

## R V B R I C A X V I I .

Ad reprimendum malitiam, ambitionem & avaritiam peruersorum, & maxime communatum seu vniuersitatum, & earumdem officialium, ac potentum aliorum, qui ecclesias, prælatos & ecclesiasticas personas frequenter grauare præsumunt, auctoritate præsentis Concilii monemus, & sub pena excommunicationis præcipimus, ac districtius prohibemus quod nulla vniuersitas, nullus capitaneus, rector, vicarius, seu officialis, quo cumque nomine censeatur, aut consiliarius, seu alia quæcumque persona, cuiuscumque status, gradus & conditionis existat, de cetero audeat vel præsumat bona mobilia, vel se mouentia, redditus vel prouentus ecclesiarum, prælatorum inuadere, occupare, rapere, prædari vel tollere quomodo, prætextu, vel quæsito colore, per se, alium, seu alios. Et qui contra fecerit, nisi infra decem dies emendauerit cum effectu, ab omnibus sacramentis ecclesiasticis sit ipso facto exclusus, vsque ad satisfactionem debitam & condignam. Et si dictam exclusionis poenam animo indurato per mensem duxerit in contemptum sustinere, non satisfaciendo plenarie de subtractis & acceptis, si

ANNO  
CHRISTI  
1514.

communitas vel vniuersitas fuerit, eo ipso ecclesiastico ciuitas, castrum vel villa ipsorum subiaceat interdicto: si singularis sit persona, sententiam excommunicationis incurrat, a qua nullatenus possit absolu, nisi prædictas ecclesiasticas, prælatos & ecclesiasticas personas, quas in prædictis grauauerit, indemnes reddiderit cum effectu, & alias satisfecerit de temeritate & contemptu ad arbitrium ordinarii loci, seu officialis eiusdem. Et si prædictas sententias & poenas iterum per mensēm animo sustinuerit indurato, ipsum & ipsos statuimus & decernimus incurrire poenas impositas, & promulgatas in alio Concilio prouinciali proxime per nos celebrato Rauennæ, contra inuasores bonorum immobilium ecclesiarum. Quas siquidem sententias & poenas ad requisitionem ordinarii loci, vel eiusdem officialis, teneantur comprouinciales denuntiare, seu denuntiari facere, & seruari per ciuitates, & dioceses eisdem commissas, sicut prædicto ordinario requirenti, vel officiali ipsius videbitur expedire.

R V B R I C A XVIII.

Sacro approbante Concilio, hac irrefragabili constitutione sancimus, quod nullus religiosus vel saecularis clericus, praetextu literarum veritate tacita obtentarum a sede apostolica vel legato ipsius, aut quoquis alio titulo non canonico, vel quæsito colore, dignitates, personatus, officia, vel beneficia quæcumque ecclesiastica prouinciae Rauennatis, ad mensam alicuius episcopi, monasterii, capi-

LIII 3ij